

Rey Willem-Alexander y Reina Maxima ta bishita e parti Caribense di Reino Hulandes



ORANJESTAD - Rijksvoorlichtingsdienst a anuncia cu entre 12 di November te cu 21 di November 2013 Su Mahestad Rey Willem-Alexander y Reina Máxima a tuma iniciativa pa bishita e seis islanan Caribense di Reino Hulandes.

Esaki ta e prome bishita despues di cambio di trono cu a tuma lugá 30 di april 2013.

E pareha Real lo cuminsa su bishita na St. Maarten, sigui pa Saba, St. Eustatius, Bonaire, Corsou y finalmente nos pais Aruba.

E meta principal di e bishita ta pa tur hende di e seis islanan haya oportunidad di por wak y conoce e pareha Real. Gobernador nan di e paisnan Aruba, Corsou y St. Maarten

y tambe gezaghebbernan di e 3 islanan BES a wordo pidi pa traha un programa pa e dianan cu e pareha Real ta bishita nan isla. Minister R.H.A. Plasterk (Di Asuntonan Interno y Relacionnan di Reino) lo guia e pareha durante su bishita.

Gobernador Refunjol a instala un comision pa organisa e bishita di nos Rey y Reina

na Aruba. E comision aki ta consisti di representantenan di e Gabinete di Gobernador y Secretariado di Consejo di Ministers.

E bishita di e dianan lo ta (cu por cambia ainda):

Diamars 12 november: yegada St. Maarten

Diaranson 13 november: bishita St. Maarten

Diahuebs 14 november: bishita Saba

Diabierna 15 november: bishita St. Eustatius

Diasabra 16 november: bishita Bonaire

Diadomingo 17 november: un dia priva

Dialuna 18 y diamars 19 november: bishita Corsou

Diaranson 20 y diahuebs 21 november: bishita Aruba □